

La strategia da promoziun è sa cumprovada

Ord il rapport da gestiun da la Fundaziun grischuna per innovaziun, svilup e perscrutaziun

(mc) La Fundaziun grischuna per innovaziun, svilup e perscrutaziun ha lachà mesirar ils effects da sia activitad. L'evaluaziun independenta ha attestà che la strategia da promover è sa cumprovada, scriva la fundaziun en ses rapport annual. Dapi sia fundaziun è vegnida inoltrada betg main che 160 dumondas da sustegn, da quellas 32 en l'onn 2013. L'onn passà ha la fundaziun sustegnì 14 da las 32 dumondas pendents. Otg dumondas è vegnidas refusadas e mintgamai 5 projects en vegnids retrats ni vegnan surluvrats. Als 14 projects promovids ha la fundaziun accordà in sustegn finanziel da 2,1 milliuns. Il sustegn vegn concedì en furma d'imprest e da contribuziuns.

Per la fin da 2013 disponeva la fundaziun d'innovaziun d'in capital da 13,8 milliuns. Da quels ha la fundaziun mess en vista 4,6 milliuns per projects currents. Las contribuziuns vegnan sbursadas usche prest sco ils projects adempeschan las cundiziuns tschantadas.

Finamiras da la fundaziun

La Fundaziun grischuna per innovaziun, svilup e perscrutaziun ha la finamira da rinforzar il Grischun sco lieu economic e da sustegnair projects che nizegian las resursas indigenas che portan in recav da valuta al chantun, intermediesch anconuschientschas ed experienz nizeivlas e stgaffesch la finala era plazzas da lavur.

Sco quai ch' il parsura da la fundaziun *Roman Boutellier* scriva en ses rapport datti en Svizra actualmain differentas tentativas per rinforzar la competitividad da l'economia cun promover la forza innovativa. Il fatg che ina gronda part da las prestaziuns da las perscrutaziuns e retschercas scientificas è vegnidas realisadas d'interpresas privatas saja in grond



Era grazia al sustegn da la Fundaziun grischuna per innovaziun, svilup e perscrutaziun èsi reussì a l'interpresa Zai SA a Mustér da revoluzionar la produziun da skis.

MAD

tant pli che il chantun Grischun na disponia en il mument betg d'auters instruments.

La fundaziun è s'establida bain

Il post da gestiun da la Fundaziun grischuna per innovaziun, svilup e perscrutaziun è stada occupada fitg en l'onn da gestiun 2013. L'evaluaziun independenta fatga externamein è vegnida a la conclusiun che la fundaziun saja s'establida bain e che la strategia da promoziun saja sa cumprovada. Bliers dals projects instradads è disponids a lunga vista e drovian uschia onns per sa pusiziunar cun success sin il martgà ed uschia era aviar l'effect giavischà. Singulas racumandaziuns per optimar la lavur da la fundaziun sajan gia vegnidas risguardadas en l'onn da gestiun current.

Projects promovids cun success

En il rapport annual da la Fundaziun grischuna per innovaziun, svilup e perscrutaziun han ins portretà quatter dals projects promovids. Gia realisà cun success è il svilup d'ina rait da fibras da charbun da l'interpresa da construcziun da Zai a Mustér sco era il project d'informatica per il management da deblezas da la First Security Technology SA a Cuira. Plinavant sustegn la fundaziun l'Institut da retschertga AO a Tavau tar la compra d'ina apparatura FACS che serva a la perscrutaziun ortopedica sco era al svilup d'in incubatur da culturas da cellas da l'interpresa Hamilton a Panaduz, en cooperaziun cun il Center da perscrutaziun CSEM a Landquart.

En il decurs da l'avrigl da l'onn passà è il post da gestiun vegnì rinforzà cun *Tanja Erzinger*. Tut en tut è il post per la coordinaziun dals projects uss dotà cun 120 pertschient da plazzas.

avantatg per la Svizra. I sa mussia dentant era che products complexs pretendian grondas investiziuns per perscrutar e sviluppar tals products. Per bleras interpresas pitschnas e mesaunas na saja quai betg pussaivel senza il sustegn da la «Comisiun per tecnologia ed innovaziun ni eras contribuziuns finanzialas ord autras funtaunas. Fin che in product saja madir per il martgà drovia blera lavur preparatorica, sinceracha Roman Buotellier.

Concept «Parc d'innovaziun svizzer»

Il concept federal «Parc d'innovaziun svizzer» cun sedia da Hub a Dübendord ed a Losanna duain vegnir collià cun cumpetenzas regiunalas, per che la Svizra daventia in partenari attractiv per inter-

preas ch'èn activas sin plaun internaziunal. Il chantun Grischun haja documentà ses interess da daventar in lieu central da questa rait. El vesa che cunzunt Tavau cun ses differents instituts da perscrutaziun sco era cul Center suisse d'electronica e da micro-tecnica SA han bunas schanzas en quest grà.

Cunzunt cun realisar ina rait da lieus adattads en il Grischun pudessia il Grischun ensemen cun Tavau e Landquart profitar dapli da questa rait da savida da la Svizra.

Nus ans legrain da projects innovativs

Tenor il parsura Roman Boutellier sa legria il cussegl da fundaziun adina puspè ch'interpresas innovativas inoltr-

esch projects interessants che la fundaziun possa sustegnair cun la finamira da promover il Grischun sco lieu competitiv. Uschia haja la fundaziun era sustegnì l'onn passà finanzielmain projects ord la sparta culturala e dal turissem. I saja ina gronda finamira e sfida per la fundaziun d'animar las interpresas da realisar projects innovativs e da promover cooperaziuns che promovian la rentabilitad e la creaziun da posts da lavur era en las regions muntagnardas e periferas.

La fundaziun è cunscenta ch'il sustegn finanziel per projects en ina fasa prematura saja colliada cun in grond ristg. Quai saja dentan in element essenzial per promover svilups innovativs,